

ILLVSTRISSIMO ATQVE ÆQVISSIMO INQUISITIONVM PARISIENSIS CVRIÆ PRAESIDI ET SACRI REGIS CONSILII CONSISTORIANO

D. D. ADAMO DE LA BARRE. S. P. D.

CONSVLTO an temerè faciam, qui te, P. Æ. publicis rebus addictum ad hoc meum discrimen abduco, aliorum potius quam meum sit iudicium. Mibi certè necessarium vi-
sum est, à gentilitio tuo nomine & lumine in hac industria periclitatione opem querere: Illo, grauissimas petitiones sustinebo, hoc, obscuras difficultates illustrabo. Nomen tuum in-
uocant, quotquot ciuitates à supremo Galliarum tribunali ius implorant, ad illud tutissimum praesidium confugiant: ijs demum, quorum vis omnis in litibus excogitandis, & per
eque iniquaque agitandis assumitur, tanquam terramentum obijciunt; lumen eadem suspiciunt, quod inequali, sed iusta lege in miserorum solatium splendet. Numinis sanè
beneficio & consilio, tam insigne ornamentum genti vestre concessum fateamur, qui nouimus eam Turonibus, Andibus, Parisiensibus iura & leges distribuisse sidere illustrem iustitiae, quam
ut Luna suum lumen à Sole, sic vos à Rege, Gallorum augustissimo Sole, ante ipsa, ausim dicere, Lune tempora accepistis. Consulta ergo audacia, quæ me, virtutes Lune asserentem, nominis
& luminis vestri viribus confirmari iussit, ut illud, impigre irruentibus opponam, hoc, insidias in hoc certamine positas, detegam; quas, si solita adjs beneuolentiâ, facilius & felicius me decli-
naturum spero. Vale.

F. MALLET.

AD QVODLIBETARIAM.

636

QVAESTIO MEDICA MATVTINIS DISPUTATIONIBVS AGITANDA

IN SCHOLIS MEDICORVM DIÈ IOVIS V. IANVARIII MAGISTRO PHILIPPO HARDVINO

DE S. IACQVES, DOCTORE, ET MEDICO REGIO MODERATORE PRVDENTISSIMO.

An humorum incrementum à Luna?

NATVRA *ἐν τῷ* vt motus, sic ordinis principium, *(ἀρχὴ καὶ ἐν τῷ ἀρχαῖον)* non cœlestia, sed inferiora corpora triplici legi subiecit, alterationi,
nutritioni, & incremento. Alteratio & nutritio vix certis spatijs claudatur; has, si non otatur calor, quàm poterit longissimè protrahet. Incremento
certi fines positi sunt, quos vltra citraque nequit consistere rectum, longitudo nempe, latitudo, & profunditas, quibus, vt materiæ penitissimè inhæren-
tibus, induta sunt omnia corpora, neque prius alterationis, nutritionis & ipsius ortus sunt capacia, quàm ijs compingendis adfuerint tres illæ dimen-
siones, quæ paulatim nouæ materiæ accessione fatalem ad terminum protensæ, illic tandem consistentes, suum ex naturæ lege dicuntur adeptæ
incrementum.

MOTVS hic est, quo substantia aliqua in omnem partem ita augetur, vt in maiorem abeat molem; siue corporibus animatis, accepto interius alimento,
siue inanimatis, quantitate addita quantitati, beneficio alicuius agentis vtentis humore & calore instrumentis ad incrementum expeditissimis. Æquæ
perfecta est accretio vt ossibus & neruis, sic vnguibus & pilis, lapidibus, & metallis: his solum alteratione, illis verò nutritione necessaria: Ita vt, modò
fiat transmutatio corporis è mensura aliqua minori ad maiorem, quicquid alterutra via substantiam ad ampliorem terminum deducet, incrementi illius
erit efficiens.

CADVCA hæc nostratia firmo & constanti naturæ ætheræ motui alligata sunt, vt huius qualitatibus nunquam interituris, moribunda recrearentur.
Quare, cœlum causam vniuersalem, diuersis virtutibus vt & sideribus distinctum esse par fuit, è quorum lumine, motu & influxu, varij orirentur effe-
ctus. Sic natura solis temperando intelligitur anno: sic reliquorum siderum propria quibusque vis est, & in suam naturam fertilis. Luna mensibus per se
primas ducendis, & mulierum menstruis præfecta, humidisque potens, terræ, maris fluxui refluuique, arborum animaliumque succis, pinguetudini, sudori-
bus, excrementis, motum & augmentum præstare semper visa est: vt si quando lumine auctior sit, humida in omnem diffundantur partem, & quasi
splendor *ἀπὸ τοῦ* sideris decus, exciret terrestria, multa ad suum nutum allicet & influxu flectit, selenitem, selenotropium, palmas, chirostarem her-
bam, quæ vt omnia, quæ humidis delectantur, cum luna crescant, luminis orba, languent & contabescunt.

VNA *ἡ* foemineum sidus, iure viciniæ, & omnium cœlestium virtutum confluxu, variè in hæc inferiora efficax, masculo astro Soli, qui calore principium
motus imperitur & siccitate firmat, veluti connubio iuncta gaudet: materiam in quam agat subiecit, & humore temperat, vt inde fiant pulchra prole
parentes. Sed humidæ substantiæ faciliè dissipabili, vt generationis, sic conseruationis principium idem. Luna triplici motu & cuius proprius, primi mo-
bilis imperui non reluctatur, licet tardiùs, vt minor orbis ab aplane contentus, diurnè ab eo deuoluatur, fouet humida, quibus, continuâ alterationis
successione, vegetantia ducunt alimentum, & à corruptione vindicant, nam vitium caperent ni mouerentur aquæ.

EST quoque lunæ propria vis, eius epicyclo indita, immutabilis, à qua certi & semper emanant effectus; sed tantum virium suarum exerit, quantum lu-
minis particeps, & quamvis triduo in coitu solis faustè remorata sileat, mutationes tamen efficit, è diametro opposita vehementiores; *ἀπὸ τοῦ* gibbosa,
falcata minores: sic viucentium humor paulatim auctus, vberius suppeditat pabulum, sic medullæ ossium, spinæ, cerebri, pulmonum, glandium carnes
turgent, & excrementorum multitudine morbifici commouentur impetus, *ὑπὸ τοῦ* febrium, comitialium, & asthmaticorum periodi, pepalini, crises; par-
tus, apoplexia plenilunio periculosiores, vt & angina, lethargi, palpitationes; sed fluores cuiusq; generis *ἀπὸ τοῦ* feliciores. In his quidem agens in-
trinsecum adiuvat, in alijs verò, quæ nullum motus principium intus habent, mouentur tamen, ab aliquo moueri necesse est: non ab elementis, non à
ceteris sideribus, sed manifestè ab eo terris finitimo planeta.

Ergo humorum incrementum à Luna.

83

Proponebat Lutetiæ FRANCISCVS MALLET Locouerensis. A. R. S. H. M. DC. XXIII.

DOMINI DOCTORES DISPUTATVRI.

M. Valentinus Hierosme.
M. Ludovicus Robillart.
M. Franciscus Boniomier.

M. Ioannes Berault.
M. Franciscus Mandar.
M. Franciscus Quiquebent.

M. Philbertus Guiberti.
M. Ioannes Pierre. M. R.
M. Joannes Cousin. M. R.

F.M.P.
MALLET